

Turska stoji iza BiH sada i zauvijek...

Podržat ćemo korake koji će se poduzeti radi dobivanja funkcionalnije vlasti u BiH i to sam prenio Hilari Clinton, Biltu, Renu

Zadovoljstvo mi je sa čitaocima „Dnevnog avaza“ podijeliti radost što se ponovo nalazim u lijepoj Bosni i Hercegovini, zemlji koju sam u raznim svojstvima često posjećivao, ali to činim prvi put kao ministar vanjskih poslova Republike Turske.

BiH je u srcu Balkana i nema sumnje da u našim srcima zauzima posebno mjesto. U vrijeme tragedije koja se proživljavala u devedesetim godinama, dijelio sam, baš kao i moja zemlja, vašu bol i tugu. Posebno sam sretan što prijateljstva u akademskim krugovima vaše zemlje, koja sam stekao u to vrijeme, sa zadovoljstvom negujem i danas. Meni je bila posebna čast što sam, za vrijeme rada u akademskim krugovima u Maleziji, proglašen počasnim ambasadorom BiH.

Velika bliskost

Spominjem ovu ličnu priču ne samo da bih ilustrirao bliskost sa BiH nego da bih vam, kao prijatelj, potvrdio da će Turska nastaviti s davanjem podrške naporima da vaša lijepa zemlja još više napreduje i zauzme mjesto koje zaslužuje među članicama NATO-a i Evropske unije. Koliko god da fizički ne dijelimo iste granice, sigurnost i stabilnost bliske nam BiH su pod garancijom naših partnera iz Vijeća za implementaciju mira (PIC) i nas. Turska, koja u ovom vijeću predstavlja Organizaciju islamske konferencije (OIC), sa zabrinutošću prati razvoj situacije i napetosti u političkom životu koje su prisutne u posljednje vrijeme.

Butmirski proces započet je pod inicijativom visokih predstavnika EU i SAD. Spremní smo podržati korake koji će se poduzeti radi dobivanja jedne funkcionalnije vlasti u BiH i to sam prenio mojim prijateljima gospodi Hilari Clinton (Hillary Clinton), gospodi Karlu Biltu (Carl Bildt) i Oliju Renu (Olli Rehn), kao i svojim drugim cijenjenim kolegama.

Slažemo se sa svima ostalima da je ovdje potrebno pristupiti sa „vin-vin“ rješenjem. U susretima s vašim političkim liderima naglasio sam da ne treba izbjegavati razgovore radi napretka u približavanju evropskim i euroatlantskim integracijama, da je neophodno na tim razgovorima konstruktivno braniti principe. Također sam naglasio da će Turska

Zajedničke tačke

Turska predsjedava Procesom saradnje u jugoistočnoj Evropi (SEECP) u periodu 2009/2010. Želimo da naše predsjedavanje donese jačanje regionalnih odnosa zajedno s konkretnim doprinosom približavanju Balkana Uniji.

U okviru ovog procesa, na prošlonedjeljnom samitu u Istanbulu, prilikom zajedničkog susreta s

gospodinom Alkalajem i gospodinom Jeremićem, potvrdili smo ove zajedničke tačke i značaj koji pridajemo teritorijalnom integritetu i stabilnosti Bosne i Hercegovine. Prilikom raznih susreta s cijenjenim hrvatskim kolegom, gospodinom Jandrokovićem, bilo mi je zadovoljstvo da vidim da dijelimo istu privrženost u vezi s tim pitanjem.



Piše:

Ahmet Davutolu, turski ministar vanjskih poslova

nastaviti poštivati principe Dejtonskog mirovnog sporazuma i odluke Vijeća za implementaciju mira zajedno s ostalim partnerima.

U vašoj lijepoj zemlji ima mnogo zajedničkog nam historijskog naslijeđa, različite konfesije i kulture našle su sebi mjesto u njoj. Ova njena odlika na najljepši način oslikava društvenu slojevitost Balkana. Prema našem mišljenju, zbog ove odlike, regionalna stabilnost usko je vezana uz BiH. Prema mnogim historičarima, nije slučajnost to što su dešavanja na ovim prostorima početkom 20. stoljeća igrala ulogu u Prvom svjetskom ratu, krajem stoljeća u procesu raspada Jugoslavije.

Olakšati integraciju

Koliko brzo budemo oslobođili balkanski region od problema, posebno koliko ojačamo integraciju na ekonomskom planu,

toliko ćemo olakšati integraciju našeg regiona s evropskim i euroatlantskim institucijama poput EU i NATO-a. Članstvo u EU i NATO-u zajednički je cilj svih balkanskih zemalja.

Svakoj zemlji postavljaju se različiti uvjeti u ovim procesima. Važno je ovo opredjeljenje sačuvati i zajednički ga razvijati i unaprijediti. Primjetno je da u balkanskim zemljama postoji snažna politička volja u ovom smislu. Sa zadovoljstvom konstatiram da među zemljama u regionu postoji jedinstvo u razumijevanju u vezi s ovim pitanjem.

Činjenica da Turska agencija za razvoj i saradnju (TIKA) provodi jedan od svojih najvećih programa u BiH, da je „Turkish Airlines“ vlasnik 49 posto „BH Airlinesa“, da najveća turska banka „Ziraat“ kao i naše druge firme uspješno posluju u BiH, pokazuje nam da odnosi između naše dvije zemlje sveobuhvatno napreduju. Naši politički odnosi su na izvanrednom nivou. Zahvaljujući uzajamnoj podršci, u 2010. godini bit ćemo nestalne članice Vijeća sigurnosti UN-a, što će osnažiti naše političke odnose, ali ovaj njihov aspekt ne možemo smatrati dovoljnim. Turska sa svojim narodom, poslovnim ljudima, univerzitetima i političkom voljom stoji iza Bosne i Hercegovine. Sada i zauvijek...

Velika pažnja

Organizacija islamskih zemalja, koju predstavljamo u Vijeću za implementaciju mira, također s velikom pažnjom prati dešavanja u BiH. Radi razmjene mišljenja u vezi s aktuelnim dešavanjima, nakon dužeg vremena sastala se kontakt grupa za BiH. S predstavnicima

Pakistana, Egipta, Saudijske Arabije, Senegala, Irana i Maroka imali smo sveobuhvatne razgovore i složili se da ova organizacija treba nastaviti svoju pozitivnu ulogu u BiH. Planirano je da se kontakt grupa i u narednom periodu sastane na visokom nivou.